



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 4. Quomodo materiæ & formæ Sacmentorum sint determinatæ.

urn:nbn:de:hbz:466:1-42545

eraditio: vel in quibusdam Ordinibus, remota, sunt manus Episcopi; proxima, est illarum manuum impositio. In Matrimonio, remota, sunt corpora contrahentium; proxima, est eorum mutua traditio.

8. Q. 3. Quid præterea sit notandum circa coniunctionem formæ cum materia Sacramenti. R. Hoc unum: Si quis confessum absolvat post horam, facit validè, quia Pœnitentia, quæ fit ad modum Iudicii, patitur illam distantiam formæ à materia: è contrà si quis cœperit ungere infirmum, & quia inter ungendum, putat esse mortuum, defixat, post horam autem videns vivere, reliquæ unctiones addat, & totam formam proferat, facit invalide, quia in hoc Sacramento, quod institutum est ad modum deprecationis ut coniunctæ cum unctione, debet forma magis conjungi cum tota materia, Tamb. h̄c c. 1. §. 1. n. 6. & 8. Similiter cum proportione loquendum est de aliis Sacramentis.

9. Q. 4. Quomodo materiæ & formæ Sacramentorum sint determinatae. R.

§. 1. Sunt ita determinatae, ut si hæ res & verba non adhiberentur, sed vel nulla vel simpliciter alia, non fierent Sacra menta, S. Th. 3. p. q. 60. a. 5. & omnes Catholici contra varios hereticos apud Bellarm. I. 1. c. 19. & apud Bernal d. 3. f. 3. Estque hoc absolute de fide, inquit Suar. d. 2. f. 3., & probat ex perpetuo usu in Ecclesia, idque habetur traditio Apostolica, secundum regulam S. Augustini De Baptismo, Quod universa tenet Ecclesia, nec à Conciliis institutum, sed semper retentum est, non nisi auctoritate Apostolica traditum rectissime creditur. Idem docent SS. PP. apud Suar. supra

suprà: Idem significat Trident. ss. 21. c. 2. docens in Ecclesia semper fuisse potestatem mutandi aliquam circa administrationem Sacramentorum, salvâ eorum substanciali; ergo manifestò innuit ex certis rebus & verbis constare substancialiam Sacramentorum, quæ nequidem ab Ecclesia mutari possit: has autem res & verba declaravit Conc. Florent. ss. ult. in decreto Eugenii. IV. ad Armenios.

§. 2. Materiæ Sacramentorum sunt determinatae ad certa prædicata simûlque ad aptitudinem pro certis usibus, S. Th. suprà & quoad rem omnes. Ratio est, quia ad hoc sunt instituta, ut in usu suis significant gratias & effectus, quos causant, ergo quando non habent prædicata requisita, & aptitudinem ad tales effectus significandos, non sunt materiæ talis Sacramenti: Sic i. materia Baptismi determinata est, non tantum ad prædicatum aquæ naturalis, uti docent Florent. & Trid., sed etiam aquæ habentis aptitudinem ad abluerendum, uti pluribus explicat Dicqsl. de Bapt. d. 1. dub. 3. Materia Confirmationis, ad prædicatum physicum Chrismae apti ad ungendum, & ad prædicatum morale Benedicti ab Episcopo &c., uti suis locis dicetur, quando de Sacramentis in particulari.

§. 3. Formæ Sacramentorum determinatae sunt ad certam significationem & sensum, quem Christus intendit, S. Th. 2. 7., & patet, quia verba non sunt assumpta propter materialē sonum, sed propter significationem, hinc diversæ omnino voces, etiam in diverso idiomate, faciunt idem Sacrameatum, dummodo faciant illum sensum, quem Christus intendit, uti dicetur p. 30.

§. 4.

12. §. 4. Christus cœfetur per verba formarum Sacramentalium intendisse illum sensum, i.e. pri-
mit quo significatur proprius effectus Sacra-
menti: deinde quem traditio, Concilia, SS. PP. vel
Doctores communiter designant tanquam à
Christo intentum, uti suis locis declarabitur,
quando de formis singulorum Sacramentorum.

13. §. 5. Materiæ & formæ non sunt uniformiter
in omnibus Sacrementis determinatæ à Christo,
sed in uno est determinatio secundum individu-
um, in aliis secundum speciem, in aliis tantum
secundum genus: Sic pro materia partiali in Eu-
charistia determinatum est hoc individuum
Corporis & Sanguinis Christi; in Baptismo deter-
minate est species infima aquæ naturalis; in Po-
nitentia dolor in genere, communis contrito-
ni & attritioni; peccatum in genere, commune
gravi & levi &c. Pro Ordine, aliquid in genere
significatum potest, quæ confertur; in Ma-
trimonio, contractus in genere legitimus, quo
tradatur mutuum jus ad usum corporum. In ali-
quis Sacrementis dubium est, an materia sit
unius speciei infimæ, an unius generis, nam
materia pro Confirmatione est Chrisma, quod
fortè confici potest ex oleis & balsamis specie di-
stinctis. Pro consecratione, est panis ex tritico,
fortè etiam ex spelta vel filagine; item visum ru-
brum & album, quæ fortè specie physica distin-
guuntur. Quod ad formas attinet, hæc in sex pri-
mis Sacrementis sunt determinatae ad signifi-
cationem strictè verbalem; in quinque primis Sa-
cramentis, sunt quoad significationem (deter-
minatae ad speciem infimam) in Ordine ad genus
tantum; In Matrimonio, tantum ad genus signi-
externi,

externi, nam forma possunt esse verba, vel formalia, vel tantum æquivalentia, ut sunt script. o, nutus, quæ inter se specie distinguuntur. Ratio horum omnium à priori est voluntas Christi instituentis, quam rescimus, partim ex doctrina Conciliorum, Patrum & Theologorum, partim ex praxi totius Ecclesie.

Q. 5. An materie & formæ Sacramentorum pos- 14.
sint mutari ab Ecclesia. Rz.

§. 1. Secundum quod determinatae sunt à Christo, non possunt mutari ab Ecclesia proxime & formaliter, ut significat Trident. sc. 2 i. c. 2. dicentes Ecclesiam posse mutare aliqua circa administrationem, attamen salvâ Sacramentorum substantiâ, exceptio enim firmat argumentum in contrarium. Et quasmvls Christus potuisset Ecclesie relinquerre potestatem immutandi materias & formas, tamen hoc non fuit congruum, 1. quia decebat ista immediatè à Christi voluntate pendere, qui solus erat auctor Sacramentorum & gratiae. 2. Hoc conferebat ad majoram dignitatem Sacramentorum. 3. Aliter non fuisset illa perpetua uniformitas, sed per frequentes variationes facilius contingere potuissent errores in applicatione mediorum ita necessiorum ad salutem. Dixi, proxime & formaliter, id est, directè tollendo seu non retinendo prædicatum illud in materia, vel illam significationem in forma, quam Christus in illis esse voluit; de cetero potest Ecclesia mutare remotè & materialiter substantias Sacramentorum, dummodo illas, quæ ab Ecclesia substituuntur, reineant prædicatum illud & illam significationem, quæ Christus tali Sacramento inesse voluit, utl jam declarabitur.

§. 2.